

ADVIS A

LA ROYNE

Mere du Roy , sur
les presentes occur-
rences.

1620.

THE NEWBERG
LIBRARY

Case

F

39

.32c

16202d

ILn'y a presages dignes de remar-
que que ceux qui naissent de nos
propres actions, par ce que Dieu les
ayant circonscripts dans les bornes
de ses loix immuables, nostre bien,
ou nostre mal depend de leur obser-
uation, encores que ceste verité sem-
ble vaciller en ce qui touche les parti-
culiers, elle est neantmoins presque
infaillible dans le public de toutes
sortes, d'estats car l'on n'a iamais veu
peuple gouverné en la crainte de
Dieu, j'oserois dire des Dieux, selon la
Iustice naturelle, qui n'ait prospéré en
guerre, en paix; ou qui s'esgarant de
ceste lumiere ne se soit precipité en
ruine ineuitable; Ainsi nos maux sōt
les causes & augures certaines de ce
qui nous doibt arriuer, & c'est ce qui
rend effroiable aux gens de bien ceste
voix esparse (Dieu sçait par qui) que
la Roynemere du Roy tres-Chrestien
n'oseroit & ne doit reuenir en Court,
de peur que son fils ne la mette en pri-
son: quelle expiratiō pour tel prodige,

pourroient ils d'un rasoir plus tran-
 chât fendre le cœur de la Roynne Mere,
 ou plus blasphemer le Roy son fils,
 mais puisque la bonté diuine permet
 les presages afin que nous en facions
 reflection sur nous pour en destour-
 ner les effects, examinons ceste mal-
 heureuse voix, la Mere du Roy ne
 doit point reuenir pres de luy de
 peur qu'il ne l'emprisonne, cela soit,
 où peut elle estre pour tant plus seu-
 rement qu'au-pres de son fils; où quel
 autre lieu la pourroit asseurer contre
 vn si puissant Roy, si toute la France
 luy obeit, il al vouldra deffendre cōtre
 luy: non, mais elle s'y establira comme
 chef de party, quelle sera l'ysue de ce
 partir: où il abolira l'autorité du
 Roy, ou il la contraindra de luy don-
 ner le gouuernement de l'estat (prodi-
 ges) & puis eux la luy conserueront
 contre la volonté du Roy, qui le dis-
 putoit lors qu'il le luy permettoit;
 les Parlements, le nom du Roy pour
 iurer en celuy de la Roynne, & les peu-
 ples qu'elle ruynera par la guere l'en
 aymeront tant qu'ils reietteront leur

5

Roy qui les maintient en paix : bref elle subuertira le fondement de l'Estat, aussi disent ils que son party sera fort, mais d'où ceste force d'hommes, d'argent, & de munitions ? d'où viendra ceste armée ? combien durera elle : qui seront les effects pour corriger les abus ; quel aueuglement de vouloir pis faire pour feindre de desirer mieux depuis soixante ans : le pretexte du bien public a tât esté rebatu, que la plus vile populasse trop experte au seul bruit, en condamne les auteurs.

Quoy que c'en soit, ils soustienent qu'elle ne doibt & ne veut reuenir qu'elle ne soit la plus forte, qui est vne pure calomnie, quel'impossibilité de la chose descouure, & la plus dangereuse resolution, contraire entièrement à sa conscience & à son bien qui desespere du tout sa reconciliation, & luy osteroit tout creance enuers le.

Roy & les peuples. Qui apprist iamais que par violéce l'on se peut faire aimer, & des Roys qui seuls au monde peuuent souffrir d'estre forcez.

Ces discoureurs pour sauuer leurs imaginations adiouſtent qu'au moins mal elle demeurera en ſeureté paisible en Angers, mais ils ne voyent pas qu'elle y fera auſſi captiue non ſi honneſtement qu'à la Court, loing des yeux du Roy, inutile à ſoy-meſme, ſans amis, ſans compaſſion du peuple, & beaucoup plus odieuſe ſervant de ſubieſt & d'occaſion à toutes ſeditious, en ſomme ces broüilleries peuuent agiter & eſmouuoir quelque mal à qui n'en peut mais, & pourtant plus pernicioſe aux bonnes intentions de la Royne, de ſorte que pour preuenir les maux qui menaſſent de promouuoir les biens que l'on peut eſperer il n'y a qu'un ſeul remede, la Royne doit reuenir en Cour.

Et pour diſſiper ces mauuais bruits, elle ne ſçauroit mieux faire que de ſe remettre entierement à la volonté du Roy, loger au Louure, oſter les gardes de ſa chambre, ſ'en ſeruir peut, meſme parmy la ville, ne ſe meſler d'affaires quelconques, reſuſer toutes ſes viſites ambitieuſes, n'entreprendre

rien pour autrui , n'approcher personne pres de soy que le Roy ne luy dōne ou n'ait agreeé, s'euitier tout frais & apparence, & exercer seulement à la pieté avec peu de suite, visiter les Eglises, faire grandes aumosnes, rechercher soigneusement ceux qui en ont besoing, secourir & assister les pauvres affligez. Conclusion, faire croire par effect qu'elle est du tout resignée à la deuotio, qu'elle deteste les affaires, qu'elle aymeroit mieux mourir que de donner aucune couleur aux factures, qu'elle les a en horreur & que son repos & ses souhaits consistent seulement en la gloire de Dieu, & au contentement du Roy.

Par tels moyens & non autres, la Royne s'asseurera, se fortifiera, & raffermira aux bonnes graces du Roy, & ses comportemens attendriront les cœurs des peuples, puis Dieu fera le reste, que si elle demeure dauantage absente, elle accoustumera les esprits à la mespriser, & de là s'accueillera sur soy la cause & la haine des miseres qui suruiendront. Car en fin elle doit

faire & souffrir toute autre chose, plu-
 tost que de donner au monde la
 moindre occasion de soubçonner
 qu'elle participe aux mescontente-
 ments, rumeurs, & seditions qui brui-
 sent.